

【经文信息】大正藏第 46 册 No. 1956

## 密咒圆因往生集 1 卷

### 目录

#### 密咒圆因往生集序

1. 持诵神呪仪
2. 金刚大轮明王呪
3. 净法界呪
4. 文殊护身呪
5. 一字轮王呪
6. 三字总持呪
7. 七俱胝佛母心大准提呪
8. 大佛顶白伞盖心呪
9. 大宝楼阁根本呪
10. 大宝楼阁心呪
11. 大宝楼阁随心呪
12. 功德山陀罗尼呪
13. 不动如来净除业障呪
14. 释迦牟尼灭恶趣王根本呪
15. 佛顶无垢净光呪
16. 尊胜心呪
17. 观自在菩萨六字大明心呪
18. 文殊菩萨五字心呪
19. 观自在菩萨甘露呪
20. 药师琉璃光佛呪
21. 阿弥陀佛根本呪
22. 阿弥陀佛心呪

23. [阿弥陀佛一字呪](#)
24. [无量寿王如来一百八名陀罗尼曰](#)
25. [智炬如来心破地狱呪](#)
26. [毘卢遮那佛大灌顶光呪](#)
27. [金刚萨埵百字呪](#)
28. [十二因缘呪](#)
29. [摩利支天母呪](#)
30. [请雨呪](#)
31. [截雨呪](#)
32. [截雹呪](#)
33. [心呪](#)
34. [数珠功德法](#)

No. 1956

## 密呪圆因往生集序

窃惟总持无文。越重玄于化表。秘詮有象。敷大用于域中。是以佛证离言。廓圆镜无私之照。教傳密语。呈神功必効之灵。一字包罗。统千门之妙理。多言冲邃。总五部之旨归。众德所依群生攸仰。持之则通心于当念。诵之则灭累于此生。妙矣哉。脱流幻之三有。拔险趣之七重。跻莲社之净方。扫云朦之沙界。促三祇于顷刻五智克彰。圆六度于刹那十身顿满。其功大其德圆。巍巍乎不可得而思议也。以兹秘典方其余教。则妙高之落众峯。灵耀之掩群照矣。宗寿夙累所钟久缠疾疔。汤砭之暇觉雄是依。爰用祈叩真慈忏摩既往。虔资万善整滌襟灵。谨录诸经神验秘呪。以为一集。遂命题曰密呪圆因往生焉。然欲事广传通利兼幽显。故命西域之高僧东夏之真侶。校详三复华梵两书。雕印流通永规不朽云尔。时大夏天庆七年。岁次庚申孟秋望日。中书相贺宗寿谨序。

## 密呪圆因往生集

甘泉师子峯诱生寺出家承旨沙门智广編集

北五台山大清凉寺出家提点沙门慧真編集

兰山崇法禅师沙门金刚幢译定

归命大智海毘卢遮那佛

## 持诵神呪仪

夫欲诵持陀罗尼神呪者。先须归依三宝。发大菩提心已。然后依法持念真言。今依五字陀罗尼法。念诵神呪有其四种一者三摩地念。谓观所念明呪。本尊口中流出光明。入自口中右旋安布心月轮中。如水精珠布于明镜之上。心准念此是也。二者言意念。谓依前心月观诸呪字。口中出声不高不下不缓不急。如是而念。所出声势犹如摇铃是也。三者金刚念。谓依前入于字观。密合唇齿。小令其舌微动而念是也。四者降魔念。谓内以悲心为本。外现威怒之相。顰眉厉声而念是也。如是四种虽有差别。不离一念为无二也。又有二种。一无数持念。谓不持念珠不定时数。行住坐卧恒常持念。二有数持念。谓手搯数珠限定时数。或百或千随应持念。若人诵持秘密神呪。要应依师依经而受持之。然须求于晓梵音者。指诀字句不令讹转。一一分明专志持诵。于前四种念法随取其一。依法念诵无有间断。所祈胜果决得成就。

## 金刚大轮明王呪

捺麻厮啍呤也(四合)[宁\*委](切身)葛(引)喃(引)萨呤末(二合)怛达(引)遏怛(引)喃(引)唵觅啰[口\*精]觅啰[口\*精]麻诃(引)拶屹啰(二合)末唧呤(二合)末唧啰(二合)萨怛萨怛 萨啰帝萨啰帝 啍啰(二合)英(一合)麻祢矪 西[口\*捺]啊[口\*屹]呤(二合)啍嚩(二合引)[口\*养] 西啍啰(二合)英 觅[口\*捺]麻祢 三末(舌齿)[口\*拶]祢啍啰宁[宁\*委](切身)[口\*养] 莎(引)诃(引)

阿闍如来念诵法云。

由诵此真言	如再入轮坛
失念破三昧	菩萨与声闻
身口二律仪	四重五无间
是等诸罪障	悉皆得清净

又甘露军荼利菩萨念诵仪云。次结金刚轮菩萨印。诵密言以入曼荼罗者。受得三世无障碍三种菩萨律仪。由入曼荼罗。身心备十微尘刹世界微尘数三么耶。无作戒禁。或因屈伸俯仰发言吐气起心动念。废忘菩提之心退失善根。以此印契密言殊胜方便。诵持作意能除违犯愆咎。三么耶如故倍加光显。能净身口意故。则成入一切曼荼罗。获得灌顶三么耶(其印相者。二手内相叉。直竖二头指相并。以二中指缠二头指初节前。各头相拄。二大指并申直。结印当心念诵密语。若未入坛不许作法者。以此真言即当入坛作法。不成盗法也)。

## 净法界呪

唵[口\*蓝]

瑜伽莲华部念诵法云。若触秽处当观顶上。有法界生字放赤色光。所谓[口\*蓝]字。于所食物皆加持此字。即不成秽触。于一切供养香华等皆加此字。放白色光即无秽触。所供养物皆遍法界。

## 文殊护身呪

唵齿[口\*临](直音疾陵)

文殊根本一字陀罗尼经云。若诵此呪能消一切灾障。一切恶梦一切怨敌。能灭五逆十恶一切罪业。能除一切恶邪呪法。亦能成办一切善事。种种呪中是诸佛心。能令一切所愿皆得满足。若发大心诵之一遍。即能守护自身。若诵两遍。力能守护同伴。若诵三遍。力能守护一宅中人。若诵四遍。力能守护一城中人。若诵五遍。力能守护一国中人。若诵六遍。力能守护一天下人。若诵七遍。力能守护四天下人。

## 一字轮王呪

唵部林(直音没隆云引)

末法中一字心呪经云。

佛告诸佛子	汝等今善听
我今说此呪	具足诸功德
当来恶世时	我法将欲灭

能于此时中	护持我末法
能除世间恶	毒害诸鬼神
及诸天魔人	一切诸呪法
若闻此呪名	皆悉自摧伏
我灭度之后	布分舍利已
当隐诸相好	变身为此呪
佛有二种身	真身及化身
若能供养者	福德无有异
此呪亦如是	一切诸天人
能生希有心	受持及供养
所得诸功德	如我身无异
此呪王功德	我今但略说

### 三字总持呪

唵哑吽

瑜伽大教王经云。唵字是大遍照如来。哑字是无量寿如来。吽字是阿闍如来。又成佛仪轨云。

由诵此唵字	加持威力故
纵观想不成	于诸佛海会
诸供养云海	真言具成就
由诸佛诚谛	法尔所成故
由适诵哑字	摧灭诸罪障
获诸悦意乐	等同一切佛
超胜众魔罗	不能为障碍
应受诸世间	广大之供养
由吽字加持	虎狼诸毒虫
恶心人非人	尽无能陵屈
如来初成佛	于菩提树下
以此印密言	摧坏天魔众

### 七俱胝佛母心大准提呪

捺麻。萨不怛(二合)喃(引)萨灭三莫[口\*捺] 光(引)低(引)喃(引)怛涅达 唵 拶  
令足令 尊宁莎(引)诃(引)

准提陀罗尼经云。佛言此呪能灭十恶五逆一切罪障。成就一切白法功德。持此呪者。不问在家出家饮酒食肉有妻子等。不拣净秽。但依我法无不成就。至心持诵。能使短命众生增延寿命。及除无量病苦。迦摩罗疾尚得除差。何况余病若不消差无有是处。若诵此呪一百八遍。如是不绝满四十九日。每有善恶吉祥灾变。准提菩萨令二圣者常随其人。所有善恶心之所念。皆于耳边一一具报。又诵此呪。能令国王大臣长者婆罗门等。生爱敬心见即欢喜。随其所愿悉得成就。若有无福无相。求官不迁贫苦所逼。常诵此呪。能令现世得轮王福。所求官位必当称遂。若常持诵水不能溺火不能烧。毒药刀兵冤家病苦皆不能害。又若依法诵满一百万遍。便得往诣十方净土。历事诸佛得闻妙法速证菩提。

## 大佛顶白伞盖心呪

捺麻厮但(二合)达(引)须遏怛(引)也啊啰诃(二合)訶萨灭三莫[口\*捺]薛怛涅达(引)  
唵 啊[口\*捺]令觅折宁 觅(引)啰末唧啰(二合)嚩唎末(舌齿)[口\*捺]末(舌齿)嚩  
祢末唧啰(二合)钵(引)祢 癸(怛)吽[口\*能][口\*(隆-一)](二合引)癸(怛)莎(引)诃

万行首楞严经云。佛告阿难。是佛顶章句。出生十方一切诸佛。十方如来因此呪心。得成无上正遍知觉。十方如来执此呪心。降伏诸魔制诸外道。十方如来乘此呪心。坐宝莲华于微尘国转大法轮。摩顶授记拔济群苦。所谓地狱饿鬼畜生盲聋瘖症。五苦诸横同时解脱。贼难兵难王难狱难。饥渴贫穷应念销散。若我说是呪之功德。从旦至暮音声相联。字句中间亦不重迭。经恒沙劫终不能尽。若诸众生以纸素白[迭\*毛]。书写此呪贮于香囊。是人心昏未能诵忆。或带身上或书宅中。当知是人尽其生年。一切诸毒所不能害。阿难若佛灭后末世众生。有能自诵若教他诵者。水不能溺火不能烧。大小毒气入此人口成甘露味。一切恶星鬼神毒人不能起恶。当知是呪。常有八万四千那由他恒河沙俱胝金刚藏王菩萨种族。一一皆有诸金刚众。而为眷属昼夜随侍。设有众生于散乱心。非三摩地心忆口持。是金刚王常随从彼诸善男子。何况决定菩提心者。此诸金刚藏王。精心阴速发彼神识。是人应时心能记忆。八万四千恒河沙劫。周遍了知得无疑惑。劫劫不生贫穷下贱不可乐处。此诸众生纵其自身不作福业。十方如来所有功德悉与此人。由是得于恒河沙阿僧祇

不可说不可说劫。常与诸佛同生一处。无量功德如恶叉聚。同处熏修永无分散。是故能令破戒之人戒根清静。未得戒者令其得戒。未精进者令得精进。无智慧者令得智慧。不清净者速得清静。不持斋戒自成斋戒。是善男子持此呪时。设犯禁戒于未受时。持呪之后众破戒罪。无间轻重一时消灭。纵经饮酒噉食五辛种种不净。一切诸佛菩萨金刚天僊鬼神。不将为过。纵不作坛不入道场亦不行道。诵持此呪。还同入坛行道功德。若造五逆无间重罪。及诸比丘比丘尼四弃八弃。诵此呪已如是重业。犹如猛风吹散沙聚。悉皆灭除更无毫发。若有众生从无量劫来。所有一切轻重罪障。从前世来未及忏悔。若能读诵书写此呪。身上带持若安住处庄宅园馆。如是积业犹汤消雪。不久皆得悟无生忍。若有女人未生男女。欲求孕者。至心忆念或带身上。便生福德智慧男女。求长命者即得长命。命终之后随愿往生十方佛土。若诸国土饥荒疫厉刀兵贼难。写此神呪安城四门支提幢上。令国土人奉迎礼拜恭敬供养。一切灾厄悉皆消灭。风雨顺时五谷丰殷。兆庶安乐灾障不起。恶星出现种种灾异。有此呪地悉皆消灭。十二由旬成结界地。诸恶灾祥永不能入。是故如来宣示此呪。汝及未来诸修行者。于此呪心不生疑悔。是善男子。于此父母所生之身不得心通。十方如来便为妄语。

## 大宝楼阁根本呪

捺麻 萨唎末(二合)怛达(引)遏怛(引)喃(引)唵 觅布辣遏唎[口\*命](二合)麻祢不  
 嚩(二合)[口\*命] 怛达(引)遏怛祢[口\*捺]唎折(二合)祢 麻祢麻祢 须不嚩(二  
 合)唎 觅麻令萨(引)遏嚩 遏(合口)觅(引)唎 吽吽 [口\*撮]辣[口\*撮]辣莫[口\*  
 捺]灭鞞浪鸡磻 [口\*悟]缣(引)溺实提(二合)怛 遏唎[口\*命](二合)莎(引)诃

善住陀罗尼经云。若有众生闻此陀罗尼。受持读诵修习忆念。求大成就乃至闻名。或复手触或佩身上。或纚眼视或书经卷。或书帛素或书墙壁。一切众生若有见者。五逆四重诽谤正法。诽谤圣人捕猎屠脍。盲聋背伛瘖症癩病。贫穷下劣魔网邪见恶星陵害。彼等诸人乃至四生诸众生类。闻此陀罗尼名者。决定证得无上菩提若书衣中若置幢上及以牌板。乃至闻声手触。及影其身转复触于余人。决定不退无上菩提。能于现世获众功德远离诸罪。于诸世间皆得敬爱。于一切处皆得供养。一切国王王子宰官后宫。并诸眷属皆得欢喜。离于贫穷不受世苦。毒药刀杖水火等难。诸恶兽等不能为害。离诸怖畏无一切病。临命终时心不散动。一切诸佛现前安慰。卧安觉安乃至梦中见百千佛刹。及见诸佛菩萨围遶。一切诸魔不能障碍。一切冤家不得其便。增长

善根获。无量福。何况久能持诵其福不可较量。又不假时日不限斋戒。常于清旦诵一百八遍。所求之事皆得成就。

## 大宝楼阁心呪

唵 麻祢末唧吟(二合)吽

若此心呪诵十万遍。即见一切如来。诵二十万遍。得见一切佛土。若诵三十万遍。得成一切曼荼罗。一切真言法悉得成就。乃至若诵一百万遍。得一切如来灌顶佛地。与一切如来同会。若造五逆罪诽谤圣人诽谤正法。应入阿鼻地狱者。诵呪一千遍。所作罪业悉皆消灭。得不退位悟宿命智得六根清净。兼获世间种种事业随意成就。

## 大宝楼阁随心呪

唵 么祢[口\*捺]哩吽发

若诵随心呪满一万遍。所有神鬼作障碍者。悉来接足礼拜白言。持明者救护我等勿断我命。所使我者决定得了我皆成就。乃至诵十万遍。得见一切如来。彼等如来作是言。善男子汝欲所往诸佛刹土。皆得随意无有障碍。及得种种世间出世间法。心所乐求皆得成就。

## 功德山陀罗尼呪

捺么莫[口\*捺](引)也 捺么[口\*捺]唎麻(二合引)也 捺么珊遏(引)也 西宁乎噜噜 西[宁\*各](切身)噜 吉勒钵(二合)吉勒钵(二合) 西[口\*捺]唎 布噜唎莎(引)诃(引)

大集经云。若人诵此呪一遍。如礼大佛名经四万五千四百遍。又如转大藏经六十万五千四百遍。造罪过十刹土。入阿鼻大地狱。受罪劫尽更生。念此呪一遍。其罪皆得消灭不入地狱。命终决定往生西方世界。得见阿弥陀佛上品上生。

## 不动如来净除业障呪



捺么啰捺 嚧啰(二合)也(引)也 唵葛(上腭)葛奶葛(上腭)葛祢 [口\*浪]拶祢[口\*浪]拶祢 嚧[口\*浪](二合)怛祢嚧[口\*浪](二合)怛祢 嚧啰(二合引)萨祢嚧啰(二合引)萨祢不啰(二合)帝诃捺不啰(二合)帝诃捺萨唎末(二合)葛唎麻(二合)钵啰(合口)钵啰(引)祢铭莎(引)诃(引)

拔济苦难陀罗尼经云。若有善男子善女人。至诚礼敬不动如来应正等觉受持此呪。先所造作五无间业。四重十恶毁诸贤圣。谤正法罪皆悉除灭。临命终时彼不动佛。与诸菩萨来现其前。赞叹慰喻令其欢喜。复告之言今来迎汝。应随我往所从佛国。彼命终已。决定往生不动如来清净佛土。

### 释迦牟尼灭恶趣王根本呪

唵捺么末遏鞞訶 萨唎末(二合)[宁\*各](切身)唎遏(二合)帝钵哩商[口\*捺]尔祢啰(引)[口\*拶](引)也 怛达(引)遏怛(引)也 啊啰诃(二合)訶 萨灭三莫[口\*捺](引)也怛涅达(引)唵商[口\*捺]祢商[口\*捺]祢 萨唎末(二合)钵(引)[口\*邦] 觅商[口\*捺]祢 熟宁觅熟宁 萨唎末(二合)葛唎麻(二合) 啊(引)鞞啰捺 觅熟宁孤嚧莎(引)诃(引)

拔济苦难陀罗尼经云。若有善男子善女人。至诚礼敬灭恶趣王如来受持此呪。万四千劫常忆宿命。所在生处得丈夫身。具足诸根深信因果。善诸伎术妙解诸论。好行惠施厌舍诸欲。不造恶业离诸危怖。具正念慧众所爱重。常近善友恒闻正法。求菩提心曾无暂舍。以诸功德而自庄严。具善律仪怖诸恶业。恒无匮乏调柔乐静。于天人中常受快乐。速证无上正等菩提。终不退于十到彼岸。愿常利乐一切有情。诸所修行非事自利。在所生处常得见佛。护持正法预贤圣众。

### 佛顶无垢净光呪

唵嚧唎(二合)也[宁\*委](切身)萨唎末(二合)怛达(引)遏怛[口\*纆]唎(二合)[口\*捺]也遏唎[口\*命](二合)[口\*撮]辣[口\*捺]唎麻(二合)[口\*捺]覩 遏唎[口\*命](二合)珊诃啰 啊余珊商[口\*捺]也钵(引)[口\*邦]萨唎末(二合)怛达(引)遏怛萨满多实祢(二合)折觅麻辣觅熟宁 莎(引)诃(引)

佛顶放无垢光一切如来心陀罗尼经云。此陀罗尼是九十九百千俱胝那由他殑伽沙如来同所宣说。若有众生得见闻随喜者。所有三世一切罪业。当堕地狱

恶趣乃至傍生。悉皆破灭。若书此呪安于塔中。如九十九百千俱胝那由他殑伽沙等如来。一一如来全身舍利。置于塔中而无有异。若有此塔生恭敬者。所有过去短命之业而得消除。复增寿命诸天护持。此人命终舍此身时。便得往生安乐世界。若诵一遍。同彼十殑伽沙等如来所。而种善根获大福报。五无间业悉皆灭尽。乃至地狱傍生焰魔罗界。一切罪障皆得解脱。复得长寿。命尽即生安乐世界。乃至若有专注念诵。久患疮痍便得痊愈。意所求事皆悉获得。若复有人闻念诵声。所有罪障悉得解脱。其念诵声触于傍生及诸虫蚁一切业道悉得解脱。若于冢间掘取骸骨。呪其沙土二十一遍散于骨上。彼之神识随其方处。所堕地狱悉皆解脱。生善逝天。若诵百千遍。命终之时。被焰魔王使以索系颈牵入焰魔罗界。彼界之内一切地狱。悉皆破坏返生怖畏。寻令回还而得解脱。谓彼行人法王之使。住静虑道无有疑惑。欲生安乐世界随愿往生也。

佛顶尊胜呪

尊胜总持如本经。

## 尊胜心呪

唵没隆(二合)莎(引)诃(引)

佛顶尊胜陀罗尼经云。此呪能破一切地狱。琰魔王界傍生之苦。回趣善道。此呪不可思议有大神力。若复有人一经于耳。先世所造一切恶业悉皆消灭。当得清净胜妙之身。随所生佛土诸天所生之处。忆持不忘。若人欲总须臾忆念此呪还得增寿。身口意净亦无苦痛。随其福利悉蒙安隐。亦令一切如来之所瞻视。一切天神常为侍卫。人所敬重恶障消除。一切菩萨同为覆护。诸佛净土及诸天宫。一切菩萨甚深行愿。随意游入悉无障碍。舍此身已。即得往生种种微妙诸佛刹土。

## 观自在菩萨六字大明心呪

唵 麻祢钵[口\*能]铭(二合)吽

庄严宝王经云。此六字大明。是观自在菩萨微妙本心。若人持诵此呪。于持诵时有九十殑伽河数如来。微尘菩萨集会。天龙药叉虚空神等而来卫护。七代种族皆得解脱。腹中诸虫当得不退菩萨之位。又若依法念诵。是人则得无

尽辩才。清静智聚及大慈悲。日日得具六波罗蜜圆满功德。是人口中所出之气。触在人身蒙所触者。即起慈心离诸嗔毒。当得不退菩萨。疾证阿耨菩提。若以此咒戴持之者。则同如来金刚之身。以手触于余人之身。其蒙所触者及所见有情。皆速得入菩萨之位。而永不受生老病死爱别离苦。又如满四大洲男女等人。一切皆得七地菩萨之位。彼菩萨众所有功德。与念此咒一遍功德而无有异。若人书写此六字大明陀罗尼。则同书写八万四千法藏而无有异。若人以天金宝造作。如微尘数如来形像。不如书写此六字中一字功德。若有得此六字大明。是人贪嗔痴毒不能染着。其有戴持在身中者。是人亦不染着贪嗔痴病。

## 文殊菩萨五字心咒

啊啰钵拶捺

金刚顶经五字真言胜相云。若人纔诵一遍。如诵八万四千十二围陀藏经。若诵两遍。文殊普贤随逐加被。护法善神在其人前。又善男子善女人。有能持此真言纔诵一遍。即入如来一切法平等。一切文字亦皆平等。速得成就摩诃般若。又若诵一遍。能除行人一切苦难。若诵两遍。除灭亿劫生死重罪。若诵三遍三昧现前。若诵四遍总持不忘。若诵五遍速成无上菩提。若人一心独处闲静。梵书五字轮坛。依法念诵满一月已。文殊菩萨即现其身。或于空中演说法要。是时行者得宿命智。辩才无碍神足自在。胜愿成就福智具足。速能皆证如来法身。但心信受。经十六生决成正觉(轮字观门衣师禀受)。

## 观自在菩萨甘露咒

捺么啰捺 唎(二合)也(引)也 捺麻啊(引)唎拽(二合)斡浪鸡訶说(引)也磨磔萨咄(引)也麻诃(引)萨咄(引)也麻诃(引)葛(引)噜祢葛(引)也怛涅达(引)唵[宁\*各](切身)儻[宁\*各](切身)尔 葛(引)[宁\*各](切身)尔莎(引)诃(引)

观音陀罗尼经云。若欲诵此咒者。所有过现四重五逆。谤方等经一阐提罪。悉皆消灭无有遗余。身心轻利智慧明达。若身若语悉能利乐一切众生。若有众生广造一切无间等罪。若得遇此持咒人影暂映其身。忽得共语或闻语声。彼人罪障悉皆消灭。又若欲利益一切有情者。每至天降雨时。起大悲心仰面向空。诵真言二十一遍。其雨滴所沾一切有情。尽灭一切恶业重罪皆获利乐。

## 药师琉璃光佛呪

捺么末遏干𠵼 [口\*命]折[口\*精][口\*悟]嚧 [口\*命][宁\*各](切身)唎拽(二合)不啰(二合)末啰(引)[口\*拶](引)也 怛达(引)遏怛(引)也 啊啰 诃(二合)𠵼 萨灭三莫[口\*捺](引)也怛涅达(引)唵 [口\*命]折[口\*精][口\*命]折[口\*精] 麻诃(引)[口\*命]折[口\*精][口\*命]折[口\*精]啰(引)[口\*拶]萨姆遏𠵼 莎(引)诃(引)

药师七佛功德经云。药师琉璃光如来。得菩提时由本愿力。观诸有情遇众病苦。瘦瘠干瘠黄热等病。或被厌魅蛊道所中。或复短命或时横死。欲令是等病苦消除所求愿满。光中演说此陀罗尼。若见男子女人有病苦者。应当一心为彼病人清淨澡漱。或食或药或无虫水。呪一百八遍。与彼服食。所有病苦应皆消灭。若有所求至心念诵。皆得如意无病延年。命终之后生彼世界。得不退转乃至菩提。

## 阿弥陀佛根本呪

捺么啰捺唎啰(二合)也(引)也 捺麻啊(引)唎拽(二合)啊弥怛(引)末(引)也 怛达(引)遏怛(引)也啊啰诃(二合)𠵼 萨灭三莫[口\*捺](引)也 怛涅达(引)唵啊密[口\*栗](二合)𠵼啊密[口\*栗](二合)多纳末(二合)永 啊密[口\*栗](二合)怛三末永 啊密[口\*栗](二合)怛遏唎[口\*命](二合) 啊密[口\*栗](二合)怛西宁 啊密[口\*栗](二合)怛𠵼[口\*精] 啊密[口\*栗](二合)怛觅悔磷(卢间切二合引)𠵼 啊密[口\*栗](二合)怛觅屹磷(上同)怛 遏(引)弥尔 啊密[口\*栗](二合)怛 遏遏捺 鸡(引)唎帝(二合)葛唎 啊密[口\*栗](二合)怛嫩努觅 厮鞞(二合)唎 萨唎末(二合引)唎达(二合)萨(引)[口\*捺]尔 萨唎末(二合)葛 唎麻(二合)屹令(二合)折 疙折(二合)[口\*养] 葛唎 莎(引)诃

无量寿如来念诵仪云。此陀罗尼纔诵一遍。则灭身中十恶四重五无间罪。一切业障悉皆消灭。若苾刍苾刍尼犯根本罪。诵七遍已。实时还得戒品清淨。诵满一万遍。获得不忘失菩提心。三摩地菩提心显现身中。皎洁圆明犹如淨月。临命终时见无量寿如来。与无量俱胝菩萨众会围遶。来迎行者安慰身心。则生极乐世界。上品上生证菩萨位。

## 阿弥陀佛心呪

唵 啊密[口\*栗](二合)怛 𠵼[口\*精] 曷啰吽

诵满十万遍得见弥陀佛。

## 阿弥陀佛一字呪(据诸师所传更加唵啊弥怛嚩并莎诃字亦得)

[口\*纒]哩

大乐金刚三昧经般若理趣释云。[口\*纒]哩字具四字成一真言。贺字门者。一切法因不可得义。啰字门者。一切法离尘义。尘者所谓五尘。亦名能取所取二种执着。伊字门者。自在不可得。二点恶字义。恶字名为涅槃。由觉悟诸法本不生故。二种执着皆远离。证得法界清净。[口\*纒]哩字亦云惭义。若具惭愧不为一切不善耶。具一切无漏善法。是故莲华部亦名法部。由此字加持。于极乐世界水鸟树林皆演法音。如广经中所说。若人持此一字真言。能除灾祸疾病。命终已后当生安乐国土。得上品上生。此一通修观自在心真言行者。亦能助余部修瑜伽人也。

## 无量寿王如来一百八名陀罗尼曰

[口\*捺]么 末遏鞞訶 啊钵哩弥怛(引)余唎(二合)胝(引)捺 须弥弥实耶(二合)怛  
訶唎(引)[口\*拶](引)也 怛达(引)遏怛(引)也 啊啰诃(二合)訶 萨灭三莫[口\*  
捺](引)也 怛涅达(引) 唵 萨唎末(二合) 珊厮葛(二合引)啰 钵哩熟[口\*捺]  
[口\*捺]唎麻(二合)訶 遏遏捺 萨母遏訶 莎末(引)鞞 觅熟宁麻诃(引)捺也  
钵哩鞞(引)唎 莎(引)诃(引)

决定光明王如来经云。若有众生。得见此陀罗尼及闻名号。至心书写受持读诵供养礼拜。短寿之人复增长寿满足百岁。若复有人若自书若教人书。于后不堕地狱饿鬼畜生。阎罗王界业道冥官。永不于是诸恶道中受其恶报。若书此呪。则同书写八万四千法藏。便同修建八万四千宝塔。若有五无间地狱之业。由是功德力故。其业障等皆悉消除。临命终时。九十九俱胝佛。面现其前来迎是人。往生于彼佛国土中。又书此呪。当来永不受其女身。四天王等暗中卫护。若闻此呪。永不受飞鸟四足多足等身。速成无上菩提。尔时世尊说是伽陀曰。

若入大悲精室中 耳暂闻此陀罗尼  
设使六度未圆满 是人速证天人师

## 智炬如来心破地狱呪

捺麻啊实怛(二合) 石低(引)喃(引)萨灭三莫[口\*捺]光(引)低(引)喃(引)唵 谒(引)  
捺(引)斡末(引)西 溺哩溺哩 吽

别行经云。此呪若诵一遍。无间地狱碎如微尘。于中受苦众生。悉生极乐世界。若梵书此呪于钟鼓铃铎作声木上等。有诸众生得闻声者。所有十恶五逆等罪悉皆消灭不堕恶趣之中。

## 毘卢遮那佛大灌顶光呪

唵 么遏 昧[口\*浪]拶捺 麻诃(引)母[口\*能]啰(二合)麻祢钵[口\*能]麻(二合)[口\*撮]辣 不啰(二合)斡唎怛(二合)也 吽

不空羼索经云。若有如法受持读诵满千万遍。则获七大善梦。入大曼拏罗会。若有过去一切十恶五逆。四重诸罪焮然除灭。若闻此呪。二三七遍经耳根者。即得除灭一切罪障。若诸众生。具造十恶五逆四重诸罪。数如微尘满斯世界。身坏命终堕诸恶道。以此真言加持土沙一百八遍。散亡者尸骸上。或散墓上塔上。彼所亡者。若在地狱饿鬼修罗傍生等中。以此真言加持力故。应时即得光明及身。除诸罪报舍所苦身往于西方极乐国土。莲华化生直至成佛。更不堕落。复有众生连年累月。痿黄疾恼苦楚万端。是病人者先世业报。以是真言于病者前。一二三日每日高声。诵此真言一千八千遍。则得除灭宿业病障。若为鬼娆魂识闷乱失音不语。持真言者加持手一百八遍。摩扞头面以手按于心上頰上。加持一千八十遍。则得除差。若诸鬼神魍魉之病。加持五色线索一百八结。系其病者腰臂项上。及加持衣则便除差。

## 金刚萨埵百字呪

唵 末唧啰(二合)萨咄 萨麻也 麻鷲(切身)钵(引)辣也 末唧啰(二合)萨咄 嚧  
永(二合)那 钵帝实达(二合) [口\*能]唎(二合)囊铭末斡 须多商铭末斡 须波  
商铭末斡 啊[宁\*(焉-正)](切身)啰屹(二合)多铭末斡 萨唎末(二合)西[淝-巴+  
林](切身)铭 不啰(二合)也[口\*拶] 萨唎末(二合)葛唎麻(二合) 须拶铭即怛  
实哩(二合)[口\*养] 孤噜吽 诃诃诃诃 和末遏椀 萨唎末(二合)怛达(引)遏怛  
末唧啰(一合)麻铭闷(引)拶 末唧哩(二合)末斡 麻诃(引)萨麻也 萨咄 哑

此呪求愿补阙功德无量。散在诸经。又名句中随宗回转。诵者知之。

## 十二因缘呪

唵 英[口\*捺]唎麻(二合引)形[丁\*各](切身)不啰(二合)末鞞(引)形(引)[丁\*各](舌齿)  
砢善(引)怛达(引)遏多 缣末[口\*捺]怛(二合)砢善(引)拶 养祢[口\*浪][口\*捺]  
[口\*英]椀 鞞(引)溺(引) 麻诃(引)实啰(二合)麻捺英 莎(引)诃(引)

今此呪句准经翻译即是颂曰。

诸法从缘起 如来说是因  
彼法因缘盖 是大沙门说

若造佛像。安置舍利如芥子许。或写法颂安置其中。如我现身等无有异。凡修功德诵此庆成。

## 摩利支天母呪

怛涅达 唵 把打吃刺马厮 巴啰吃刺马厮 鸣打耶马厮 [口\*祢]啰马厮  
哑立哥马厮 马哩哥马厮 鸣麻马厮 末捺马厮 古噜麻马厮 [口\*精]巴啰  
马厮 马合执巴啰马厮 [口\*暗][口\*捺]捺[口\*纳]马厮 [箭/衣]喝

## 请雨呪

佛实力故大龙王等。速来在此阎浮提内。所祈请处降澍大雨。而说呪曰。

只啰只啰 至哩至哩 足吟足吟

佛实力故咄诸龙王。于阎浮提请雨国内降澍大雨。而说呪曰。

发啰发啰 啤哩啤哩 啡哩啡哩 怛涅达 发啰发啰 呬唎呬唎 苏噜苏噜  
哑哥喃 只发只发 石啤石啤 [口\*秣]啡[口\*秣]啡

## 截雨呪

唵 萨唎末 麻马合啰麻帝 吃唎帝 吽 某甲等愿拥护

如此神呪。或诵三遍七遍二十一遍。

## 截雹呪

唵 萨唎鞞割哩麻

## 心呪

唵马合怛[口\*辣]曷也 麻祢啰[口\*拶][口\*捺] 萨麻也萨吟鞞 吽发怛  
如此神呪。或诵三遍七遍二十一遍。

## 数珠功德法

夫数珠者。记心之奇术。积功之初基。持之者成德。戴之者灭垢。世出世果。莫不田斯。故今依经略示其相。然准金刚顶瑜伽念珠经云。

珠表菩提之胜果	于中间绝为断漏
绳线贯串表观音	母珠以表无量寿
慎莫蓦过越法罪	皆由念珠积功德
砗磲念珠一倍福	木槌念珠两倍福
以铁为珠三倍福	熟铜作珠四倍福
水精真珠及诸宝	此等念珠百倍福
千倍功德帝释子	金刚子珠俱胝福
莲子念珠千俱胝	菩提子珠无数福
佛部念诵菩提子	金刚部法金刚子
宝部念诵以诸宝	莲华部珠用莲子
羯磨部中为念珠	众珠间杂应贯串
念珠分别有四种	上品最胜及中下
一千八十以为上	一百八珠为最胜
五十四珠以为中	二十七珠为下类
二手持珠当心上	静虑离念心专注
本尊瑜伽心一境	皆得成就理事法
设安顶髻及挂身	或安颈上及安臂
所说言论成念诵	以此念诵净三业
由安顶髻净无间	由带颈上净四重
手持臂上除众罪	能令行者速清净
若修真言陀罗尼	念诸如来菩萨名
当获无量胜功德	所求胜愿皆成就

## 密呪圆因往生集(终)



---

【经文信息】大正藏第 46 册 No. 1956 密咒圆因往生集

【版本记录】CBETA 电子佛典 Rev. 1.12 (Big5), 完成日期: 2010/01/20

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】

---